

Il tema da la bancnota da 10

Il tema da la nova seria da bancnotas è «La Svizra multifara». Mintga bancnota preschenta ina vart tipica da la Svizra che vegn illustrada tras in element principal.

La bancnota da 10 mussa la Svizra sco pajais bain organisà. L'organisaziun premetta ch'ins giaja enturn conscienzusamain cun il temp – l'element principal da la bancnota da 10.

✚ Ina infurmaziun da la Banca naziunala svizra



Dapli infurmaziuns sin www.snb.ch/10

© Banca naziunala svizra 2017

Il temp vegn caracterisà tant tras il mecanissem d'ina ura sco er tras il maun d'in dirigent che mussa cun la batgetta, cur che l'orchester ha da sunar. Il tunnel fa part da la rait da viafier svizra fitg extendida. Questa rait funcziuna grazia ad ina buna organisaziun e grazia a la precisiun cronometrica. L'element principal sa mussa en furma da zonas da temp sin il globus.

La bancnota ha anc blers auters tratgs che tractan il tema da la bancnota, l'organisaziun, e l'element principal, il temp.

Scuvri sez la bancnota.



10

La nova bancnota da 10 francs

SNB BNS ✚

La nova bancnota da 10

La nova bancnota da 10 francs è cumparida. Ella è la terza da totalmain sis bancnotas da la nova seria.

Cun la nova seria survegn la Svizra bancnotas ch'èn pli modernas ed anc pli segiras.

Qua vesais Vus la bancnota da 10: sia concepziun e sias caracteristicas da segirezza ch'èn simplas da controllar. Il tema da la nova seria da bancnotas è

«La Svizra multifara».



Controllai l'autenticità

Las suandantas tschintg caracteristicas da segirezza mussan svelt, sch'ina bancnota è nunfalsifitgada.

1 TEST DAL GLOBUS

Muvai vi e nà la bancnota: in artg d'aur sa mova sur il globus.



2 TEST DA LA STRIVLA

Muvai vi e nà la bancnota: cifras cotschnas e verdas sa movan sin quatter lingias ina vers l'otra.




3 TEST DA LA CRUSCH

Tegnai la crusch svizra en la glisch: ella sa mida en ina bandiera svizra.



4 TEST DAL TRIANGUL

Tegnai il triangul en la glisch: il fil da segirezza è visibel tras e tras.



5 TEST DAL MAUN

Palpai il maun, la cifra 10 u il num da la Banca naziunala: il squitsch d'arom è da sentir.

